

正肥時菊正芬。無聊獨對淡江雲。一輪明月西窗影。惆悵天涯欲斷魂。

二

絮果幽因愁不解。思前想後淚沾襟。如何我命重々却。每到秋來病轉深。

三

無聊靜坐幾蹉跎。獨對青燈喚奈何。儂是茂陵秋病者。空齷滿腹訴姮娥。

丁卯除夕書感寄懷緞姊三首

同人

北風吹雪撲簾櫳。暮雨瀟々夢不通。遙憶伊人歸未得。寫將心事託飛鴻。

自恨年々泊病身。憐卿歲暮滯風塵。同生同志命同蹇。欲問蒼々何處伸。

相思雲樹隔江天。臘鼓聲殘又未還。手把屠蘇愁脉々。客窗應有淚痕斑。

情之所鍾端在我。置夢中識路之事古人豈欺我哉。讀諸作女相如才氣真不弱也。尤參漫評。

席上留別諸友

證峯 林 秋 梧

欲覓真詮着鐵鞋。故人相送素筵排。如今識破悲歡局。離別雖多不介懷。

船中感作

同人

遁跡身同不繫船。朝南暮北任風遷。浪花淘盡英雄恨。多事何須更問天。

客感

同人

獨坐登時淚欲垂。僧衣作客有誰知。孤燈冷雨黃昏後。遠笛聲々擊我思。

偶作

同人

行脚扶桑踏八千。覺來無佛亦無仙。人生五十吾將半。悔不當初學定禪。

淵

明 (應養源君課題)

施 其 文

五斗折腰恥俗人。先生靈道豈憂貧。歸來老屋數間在。重賞黃花三徑新。西畝勤耕同此志。南窗高臥樂餘身。浮雲富貴不知羨。處世無能但卒真。

月夜 (次韻)

同人

此身醒是醉。醉後時還醒。明月照孤客。西風吹滿亭。

看梅花

同人

瀟世人情轉眼更。好花自古不勝情。繁華易老偏愁客。冰雪多情細護卿。

月夜看菊

同人

明月花前醉幾杯。破愁無計看花來。芳馨素質幽人態。使我東籬未忍回。

中秋夜泛舟江中次文星先生韵

施 其 文

月白風清夜。江中泛小舟。靜看魚泳水。怕見月當頭。岸上歌聲細。船中人語柔。身躬浮似梗。歲月急如流。白燕當歸日。黃花已屆秋。

江山能惹恨。詩酒可銷愁。

孝

環真 陳 氏 碧 玉

一字最奇方。能行稱善良。爲子須行孝。留名萬古揚。

高樓賞月

同人

獨上高樓望。月明似水清。微風吹面冷。圓影逐人行。

手巾

同人

潔白人人重。手中携不離。四圍花色有。塵污濯清時。

針

壹餘 陳 氏 餘

織々玉指忙。燈下刺爲鶯。不離千般線。停時自主張。